

روايتي
مارد و تشوشني

روايتي
مارد و تشوشني

صريح قطط و كأنهم محبوسين او بيستنجدوا ف
خرجت من الاوضه بكل ثقه ادور علي صوت
القطط دي جايه منين ملقتش حاجه ف
مخدتش ف بالي وروحت وفتت ع الشباك
لقيت الانوار كلها مفصوله ومفيش غير نور
الطرقه اللي انا واقف فيها وظهر ممرضه غير اللي
كانت معايا الصبح وتسالني انت مين وبتعمل
اي هنا قولتلها ... افتحني اول صفحه ف الروايه

تأليف وكتابة
قلم تايسون

تأليف وكتابة
قلم تايسون

جميع الحقوق محفوظة للكاتب

روايه من الخيال ولا تمس الواقع بشئ ...

تأليف وكتابة
احمد عبدالرحمن
(قلم تايسون)

المقدمه

ف البدايه قالولي المشكله مش هنا قلمك مش قوي وللأسف مفيش عندك موهبه وكان كل همي ف الدنيا دي اكون كاتب معروف اصبحت الاول ف ارتجال وكتبت فصحي وعاميه وكتبت اسمي تحت اخر كلمه من اخر نص ف كتباتي وعملت حوالي مش عارف اعد انجازاتي ثم إني اعتذر عن تقصيري بهذه الروايه من حيث الاخطاء الكتابيه والاملئيه التي سهوت عنها وأريد منكم العفو والسماح لأننا نعلم جيدا انه لا كامل قبل ولا بعد رسولنا الكريم صلي الله عليه وسلم وكما نعلم انه لا كتاب يخلو من الأخطاء قبل او بعد القرآن الكريم قراءه ممتعته ...♡

اليوم الاول

من المستشفى المركزى لأحدى قرى الارياف بتاريخ 21 يونيو هنقلكم شوية احداث سمعت عنها هنا واحداث ماشوفتهاش قبل كده ومستحيل تتصدق لو اتذكرت قدام ناس كثير ولكن هحكي عشان تؤمنو ان الله لا يغفل عن عباده....

الحجر الصحي الدور الثالث بقا دلوقتى مقفول تماما وحاجه زى دى كان ليها تأثير كبير ان الناس هجرت المستشفى ومافضلش فى غير ممرضات اللى بيشرفو ع المستشفى ويعملو شغلهم وجودى هنا مش مجرد صدفه ولكن الصدفه ان اكون هنا ف البلد دى والليله دى هتكون اول ليله ليا اباتها فى المستشفى عشان اشوف الاحداث اللى هتحصل ف المكان ده..

ف الاول دخلت المستشفى وعرفت اسم الدكتور حسن عادل دكتور الباطنه اللى موجود ف

المستشفى واللى كان بالنسبالي واسطه كويسه
ادخل بيها المستشفى وابات ليله كامله جوه
مستشفى موجوده بين الاراضى الزراعيه واللى
مش بيقترب حد منها بعد منتصف الليل شوفت
هنا مناظر مرعبه ولكن كنت مؤمن جدا ان ربنا
معايا ف اقنعت نفسي ان مافيش داعى للقلق.
هنقلكم الاحداث اللى حصلت واللى حصل بعد
نص الليل واشوف بعيني الجن اللى حكى عنه
الناس ف المدينه دي او ان كل ده مجرد اشاعات
وهل هنا مات كثير ف عصر الكوفيد ولا كل دي
اكاذيب بينقلها الناس لبعض والمكان هنا طبيعى
او لاء ودا اللي هنعرفه ف اليوم الثاني ...

اليوم الثاني

من مستشفى خدام ابليس انقل لكم بعض الاحداث ويبدأ اليوم الساعة ٣:٠٠ العصر وكنت متردد اروح لخدم جمدت قلبي ووصلت صباح الخير اقدر اخدمك الزاي ي فندم ..؟
عندي شد عضل ممكن تشوفيه ردت عليا وقالت ايوه طبعا رجلي مكانش فيها حاجه بس كان في وجع بسيط بيروح ويبجي مع الوقت ولما لمست رجلي حسيت بحراره ف رجلي انا خوفت وقولت لها خلاص رجلي بقيت تمام وبعدها قالتلي خلاص ماشي ولفت وشها وماشيه ندهت عليها يا مس قالتلي نعم مع ضحكه خبيسه فيها لؤم شويه سألتها هو مفيش مرضي لي قالتلي المستشفى دي بقالها سنتين محدش بيدخلها بيقولوا ان فيها جن بس اديك شايف احنا هنا اهو ومفيش حاجه .. تقدر تروح قولت لها تمام وانا قاعد علي سرير المرضي هرتاح شويه بس علشان السلم طويل وبعدها هتحرك علي طول انشاء الله

حسيتها اتخضت كدا ولفت وشها ومشيت وقبل م
تمشي بصوت مرعب لو عوزت حاجه نادي عليا او
نادي علي اي حد من الممرضات اللي هنا ف
سألته انتوا كلكم حريم ليه اقصد يعني مفيش
دكاتره ولا شباب ف تمرىض قالتلي انت اسألتك
كتير لي ومشيت وبعدها كنا الساعه ٤ العصر
تقريبا فضلت قاعد ع السرير بلعب ف الموبايل
واصور ف الاماكن اللي لاحظت انها غريبه وكانت
دايما بتطلع معايا الصور ضلمه علي الرغم ان نور
المستشفى كله كان منور حتي بالنهار قولت ممكن
يكون في حاجه وكانت ف معظم الصور بتطلع علي
رساله تم ايقاف الكامير ف افكرت دا عيب من
الجهاز ولاحظت ان الكارنيه اللي ف ظهر الموبايل
هو اللي كان سادد الكاميرا ف اطمنت شويه
وبعدها الساعه ٨:٥٥ دقيقه بالليل بالظبط كنت
نزلت عشان اجيب اكل وكان اول موقف يخليني
عاوز اسيب المكان وامشي سمعت صوت صريخ
عالي ف الاستقبال الدور الاول وصوت راجل زي
مايكون بينادي ف ميكروفون وبيقول رجاء

التوجه للاستقبال والاتصال ب الاسعاف قال
الجملة دي تلت مرات بعد سماع صوت الانذار
نزلت جري ع السلم لقيت في حالة وفاه وفي
ناس كثير متجمعه والمستشفى المهجوره لقيتها
متعبيه ناس وفي اسعاف واقف تحت ف قولت
انا مالي كالعاده ونزلت تحت اشترت الاكل
وجبت حجات كثير علشان عارف اني هبات ليله
كامله وممكن اجوع وجبت كل الاكل دا واديت
للراجل ٥٠ جنيه رجعلي ٤٠ قولتله حضرتك غلطان
اكيد قالي اعتبره او فر علشان اول مره تزورنا
منتبهتش لحاجه ورجعت المستشفى ملقتش لا
الناس ولا الاسعاف ولا حالة الوفاه وكأن شئ لم
يكن قولت جايز كانت تهيأت بس لاء وصبرت
نفسي بجملة انت جاي وسامع عن المكان دا
وجيت بمزاجك استحمل بقا وعديتها وطلعت
حطيت الاكل ف الكمدينوا اللي جمب السرير
واتغديت وقعدت اتفرج ع اليوتيوب علشان تيجي
الساعه ٩:٣٦ دقيقه والاقى رجل عجوز داخل عليا
الواضه ويقولى ارواح الحجر الصحي منين يا بني

وفين الناس قولته الحجر الدور التالت ي حاج
اتفضل ناكل سوي قالي طب ممكن تسندني لما
اطلع قولته تحت امرك مع ابتسامه خفيفه وانا
مرعوب وطلعته وانا نازل الهوي كان جميل
خلانى اقف عند الشباك شويه والاقى ان الكانتين
اللي جايب منه الاكل اختفي ومش موجود
وتيجي الساعه ١٠:٠٠ مع صريخ ققط وكأنهم
محبوسين او بيستنجدوا ف خرجت من الاوضه
بكل ثقه ادور علي صوت الققط دي جايه منين
ملقتش حاجه ف مخدمتش ف بالي وروحت
وقفت عند الشباك لقيت الانوار كلها مفصوله
ومفيش غير نور الطرقة اللي انا واقف فيها
وظهور ممرضه غير اللي كانت معايا الصبح
وتسألني انت مين وبتعمل اي هنا قولتها انا كنت
جاي اكشف علي رجلي وحببت الجو هنا هادي
وانا بحب الروقان ف سألتها هو لي الانوار كلها
فاصله معدا نور الطرقة قالتلي دا طبيعي النور
كله بيشتغل بالنهار وبنفصله بالليل ف هديت
لحظه وفضلت واقف مكاني ف الهوي يمكن اهدي

من كل الاحداث اللي حصلت قبل ١٢ دي وبعدين رجعت الاوضه بتاعتي خلاص انا حبيت الاوضه دي نضيفه ومتروقه وبتطل علي اراضي زراعيه وانا بحب الجو دا الساعه ١٠:٣٠ واحده من الممرضين يغم عليها قدام اوضتي ف نديت علي الباقين يساعدوني قربت منها علشان اشيلها حسيت بنار خارجه من جسمها وانا علشان طيب جبت تلج من التلاجه اللي هتختفي بعد شويه وشيلتها نيمتها علي السرير وبدات امشي التلج علي وشها وافوقها لحد م جم بقيت الممرضات اللي شافوني ماسك التلج ف ايدي ويبدأو ف الصريخ ف رميت التلج من ايدي فتحت عينها اللي كانت كلها سودا مفيش بياض ولاحظت دم نازل من مناخيرها وقولت لهم دي بتنزف وعينها سمرا لي قالولي انها لابسه عدسه ف استغربت هي لي تلبس عدسه سمرا اصلا قالولي هي ميولها كدا ف عديتها وانا عقلي اكبر من انه يصدق الكلام دا علشان اكتشف ان الاربع ممرضات من خدام ابليس واطرعت لما لقيتهم بيتكلموا

باصوات رجاله مع بعض وبيتفقوا علي قتلي ف
طلعت اجري من المستشفى وفي اخر لقيت ان
مفيش بوابه وكل م اهرب منهم يظهروا ويختفوا
ويظهروا لحد م خلاص معدش فيه حاجه هديت
ودخلت اوضتي تاني ونسيت الباب مفتوح نزلت
تحت الملايه واقراء قران لحد م دخلت قطه سمرا
الاوضه وقلبت الزباله فتحت فيديو وبصور نفسي
سيلفي وانا بشرب اخر بق من ازازه المايه اللي
كنت جاييها وبعدها عطشت قومت تاني علشان
اجيب مايه من التلاجه لقيتها اختفت قوت اهلا
وضحكت بحيث اني اطمن نفسي ان دا العادي ف
المكان دا ودخلت اوضتي لقيت ازازه المايه نفسها
مليانه ومحطوطه علي الطرابيزه جمبي قوت
والله كويس وبكلم نفسي بصوت عالي علشان
اكسر صمت المكان واسمع تاني صوت الراجل في
المايكروفون بيقول التوجه الي الحجر الصحي
والتواصل مع الاسعاف علشان اطلع الاقي جته
العجوز اللي طلعته ب ايدي والاقى الناس ملمومه
حواليه واجي نازل اقابل حد توفي كان عزيز عليا

ف البلد دي بيقولي الحق روح قبل فوات الاوان
مش هيسيبوك ف حالك وهنا اتمسرت ف مكاني
متنح لحد م لقيت ب عيني كل حاجه بتختفي
وارجع للصمت اللي كان محاوط المكان ثاني
والساعه تيجي ١١:٣٣ وانا ماشي ف الطرقه
واشوف دم مطرتش علي الاسانسير ودم متجلط
علي الارض والسلاالم مع ان اول م جيت كانت
المستشفي نضيفه ودا اللي استغربته لما سمعت
من الناس انها مهجوره ومن هنا عرفت ان
الاحداث اللي حصلت في تاريخ ٢١ يونيو ٢٠٢١
بتتعاد من ثاني في تاريخ ٢١ يونيو ٢٠٢٢ ونزلت
جات الساعه ١٢ بالظبط لقيت كل حاجه رجعت
زي م كانت وظهور اول دكتور لابس بلطوا ابيض
ومعاه مقص وهدومه نضيفه يركب الاسانسير
اللي كان عطلان وينزل للدور الثاني ولما حصلته
ع السلم لقيت انه مش شايفني وكان خارج
والبالطوا مليون دم والمقص عليه دم متجلط ف
سألت نفسي هو دا ازاي وفضولي خدني اكر لحد
م مشيت ورا الدكتور وخرجنا برا المستشفى

ولقيته مكمل مشي كنت حريص انه يأذيني او انه
يكون شايفني ويبسحبني ودخلنا ف وسط
الاراضي الزراعيه اللي كانت الغرفه ٢٠٧ باطنه
رجال بتبص عليها واللي كنت بصور منها غروب
الشمس وفضلت ماشي وراه لحد ما وصلنا لوسط
الاراضي كان فيه مشايه بتوصل للمشرحه اللي
كانت برضو شكلها من بره يخوف ودخلت هناك
لقيت جث كثير ودم واعضاء وتلجات بشر
والمكان كان مرعب اكثر من اللي شوفته ف
المستشفي بكتير هربت ورجعت ثاني للمستشفي
ملقتهاش مكانها ولقيت مساحتها فاضيه فضلت
واقف قدامها جمب مكان الكانتين اللي كان
مختفي وظهر ثاني النور بتاعه شغال وهو مقفول
فضلت قاعد علي السلم بتاعه لحد م جات الساعه
١ بعد منتصف الليل وتجيلي رساله علي الموبايل
وانا بقرائها ارجع ثاني ابص ع المستشفي تكون
ظهرت بس النور بتاعها مفصول نورت فلاش
الموبايل وجمدت قلبي ودخلت لقيت النور جوه
شغال وطلعت جري علي الاوضه ٢٠٧ لقيت في

مريض علي السرير بيقولي اسقيني يابني ونادي
علي الدكتور محمد من اوضه التمريض قولته
حاضر وسقيته من الازازه اللي اتملت لوحدها
وخرجت انا دي علي الدكتور محمد قالي روح
وهحصلك قولته ماشي ي دكتور وانا حريص اني
امشي الاحداث ثاني كما هي لاني مش عاوز اي
حاجه تحصل ولقيت في ناس كثير ف الاوضه
واعتقد دول اهل المريض ويدخل الدكتور محمد
اي ي بطل هتبزل دلوقتي ولا نستني للصبح
اعتقد كان في مايه علي باطنه ويرد عليه
المريض انا مش قادر ونفسي مقطوع ي دكتور
الاقى الدكتور كاتم علي نفسه وقافل بقه
ومناخيره بحيث انه يقطع نفسه او يقتله قولته
انت كدا بتموته ي دكتور مردش عليا ويقوم رفيق
المريض يمسك مقص وراشقه في ظهر الدكتور
وتيجي ممرضه من خدام ابليس وتقولي انت هنا
لسه بتعمل اي وانا واقف ف زهول من اللي
بيحصل ف برد عليها وبقولها قتلوا بعض بتقولي
هما مين ببص ورايا وبشاورلها ملقتش حاجه مع

العلم ان الدكتور محمد هو نفس الدكتور اللي
خدني وراه للمشرحه ويطلع علينا النهار وانا بدور
علي بوابه الخروج من المكان دا وملقيهاش غير
وانا بسمع توأشبح النقشبندي ف الجامع لجل
صلاه الفجر وسمعت الاذان بيتقال بالعكس بيبدأ
هللا الا هلا ال ربكا هللا ربكا هللا وبعدها انا
اترعبت بالمعني الحرفي للكلمه وكبريائي اتكسر
وفضلت اعيط لان البوابه كنت كل لما اقرب منها
تختفي وتظهر ولقيت حريقه قامت ف الكانتين
لحد الساعه ٤ ونص بعد الفجر النهار شقشق
ورجعت كل حاجه كما كانت وروحت البيت ...

اليوم الثالث

ف اليوم الثالث لبست ونزلت عادي كان يوم حلو
نوعا ما قابلت صحابي وقعدنا ع الكفاتريا وطلبت
قهوه انا بحبها وصاحبي طلب برتقال والتالت
طلب شاي وقعدنا وفضلنا نتكلم ونظمن ع بعض
وحكيتلهم علي اللي حصل ف اليومين اللي فاتوا
وطبعا فضلو يتريقوا عليا وبدون اي مقدمات
الدنيا مطرت مطر خفيف الساعه ٣ العصر وع
الرغم من اننا ف الصيف بس قولنا عادي يمكن
انفجار سحب بس اللي استغربتله ان وانا قايم
رايح الحمام رجلي خبطت ف الطريظه قلبت
القهوه بس ع الرغم من ان كان في برتقال وشاي
ع نفس الطريظه عديتها بمزاجي وانا شاكك
وفضلت تراودني افكار ان دلق القهوه خير
واتذكرت احمد امين لما قال اشمعنا دلق القهوه
خير واي الخير ف كدا (مسلسل ما وراء الطبيعه)
وذكر برضو انه انسان نحس او عليه لعنه دي كلها
افكار رودتني وقلبت عليا مع الرعب اللي شوفته

امبارح والكانتين والبوابه اللي كانوا بيختفوا
والمشرحه والمناظر البشعه اللي شوفتها خرجت
من الحمام لقيت ان مفيش حد من اللي كانوا
معايا والكافيه فاضي تماماً بس ملقتش حد غير
الراجل العجوز اللي كان معايا امبارح ف
المستشفى وطلب مني اوصله للحجر الصحي كان
هو هو نفس الراجل اللي لقيته واقف بيعمل شاي
ع البار انا كدا فهمت وقتها استوعبت ان اللي
بيذكرهم بيكونوا معاه وان راجل الحجر الصحي
دا كان منهم وانا اللي كانت نيتي طيبه بس كنت
شاكك برضو انو منهم بس عديتها طبعاً اتكلمت
معاه مش هسيبه غير لما استفسر منه اي اللي
بيحصل معايا وقال بالظبط هو نفس اللي بتفكر
فيه وع فكره صحابك مكانهم والناس موجوده
هنا كلها زي م هما حتي هتلاقي القهوه بتاعتك
متدلقتش ولا حاجه انا بس خدتك ف غُزله عن
الجميع هنا محدش شايفك ولا شايفني ولا انت
شايف حد قولتله الزاي يعني انت بتقول اي قالي
عد يابن ادم كما كنت فانك ميت وانهم لميتون ولا

احد غيري من المنظرين ببص لقيت نفسي لسه ف
الحمام بس لسه وكأني صاحي كأني كنت ف حلم
خرجت برا لقيت القهوه زي م كانت بس مكانش
ينفع احكي لحد عن الحلم اللي حصل دا
وخصوصا ان القهوه انا شوفتها اتدلقت ب عيني
واصحابي كمان لما سألتهم هي القهوه رجعت كدا
الزاي قالولي القهوجي جه مسح الطريظه وخذ
الفنجان وطلبناك واحد تاني قهوتك مضبوط صح
وانا ف اندهاش من اللي بيحصل قولت صح
شربت القهوه اللي كانت زياده بس قولت عادي
بلاش اتكلم ف حاجه كتر خيرهم شربتها وهما
شربو العصير وخرجنا قولتلهم هي الدنيا بطلت
مطر ولا اي واحد منهم قالي احمد صباح الفل
احنا ف الصيف قولتلهم اه ماشي وضحكت
وروحنا البيت وانا قاعد بقلب ف اللاين اسكرول
لليوتيوب لقيت مشاهد من افلام رعب وكذا راوي
بيحكي عن مواقف رعب حقيقه واشهرهم احمد
يونس كنت بسمع وانا متجمد المشاعر مفيش
احساس بالخوف خالص من اي حاجه لحد م نمت

اليوم الرابع

- احمد احمد احمد احماااااااد ..

= اي اي في اي

- قوم بسرعه

= في اي

- قوم افطر علشان هنرجع البلد عندكم

= لي يسطا انا مستحلي القاعده هنا

- يعم هي دي بلد يتعاش فيها هههه

= عجباني ي عم وبعدين انت لي محسني اني

عايش ف جاردن سيتي ههه

- طب تيجي تقارن

= يباا مفيش مقارنه انا عايش ف بلد عباره عن

مثلث اوله ترب وف مخارجها نحيه كمين ونحيه

شرطه وشوف بقا انت رايح فين ههه

- لا ي عم اكيد فيها حاجه حلوه

= عندك فاكهاا ؟

- اه عنب

= حلو دا كل عنب واسكت

- وبعدين

= مفيش بعدين سيبني بس انا عشان افهم اي

اللي بيحصل

- اشطاا

نمت من الساعه ٩ لحد الساعه ٢ تقريبا وانا اصلا

كالعاده مش بحلم ولما بحلم بتكون اشارات ..

رموز ... وما اشبه انما مش احلام صريحه او رؤى

لقيت نفس العجوز ف الحلم جاي ف صحرا انا

ماشي فيها وعطشان لقيته جاييلي مايه وبيقولي

روح مع صاحبك افضل من العيش هنا قولتله انت

مين ي عم قرب ع ودني وقالني اسمي مارد وقالني

انا هفضلك زي ضلك مش هسيبك طول م انت

جمبي او ف دايرتي قولتله يعني اي مش فاهم

قالني لو اختارت البعد ورجعت بلدك مش

هتشوفني تاني وحسيت كدا انو هيتأثر بغيابي

رديت عليه وقولتله يعني انت المفروض من الجن

والمفروض برضو انك قادر تأذيني والمفروض... هنا

قاطعني وقالني انا من الجن الطيب ولما انت جيت

المستشفى انا ظهرك لان كل اللي هناك من

خدام ابليس وهياذوك انا كنت معاك عشان
احميك منهم لما انت اتكلمت مع صحابك وذكرت
كل اللي حصلك انا جيتك ف خلوه وحذرتك
بغلطك وعرفتك عشان متتأذاش منهم قولته
وايش ضمنك اني ممكن مقرائش عليك قران
واحرقك قالي لو كنت كدا كان زمانك عملتها مع
اللي كانو هياذوك بس انت قلبك طيب وعشان
كدا انا حابب اكون جمبك وهنا صحيت قولت
لصاحبي يلا ننزل البلد ف قالي اشمعنا م كان م
الصبح وبعدين الوقت اتأخر وانا لو مش هاجي
معاك م هسيبك تسافر ف الحر دا لان الموصلات
م دايمه هنا خليك للصبح قولته ومالو ونزلنا
روحنا ناحية المستشفى تاني انا وهو وكان في
استقرار والامور زي مهيه وكل حاحه شغاله
قولته شايف كل دول قالي اه قولته تعالي بس
بكره واتفرج عليهم هههه
قالي الغريبه انهم موجودين اصلا قولته لي قالي
المستشفى دي مهجوره من ايام كورونا قولته
اومال دول اي قالي بيتجمعوا الخميس بس

قولتله ومبيخافوش قالي ي عم دول جيش
يخافوا اي بيظمنوا بعض يسطا قولتله كدا انا
فهمت قالي فهمت اي قولتله انا معاك هنا بقالي اد
اي قالي ٤ ايام اهو قولتله كنت ببات عندك قالي
لا قولتله كنت ببات هنا الواد لوهله خاف كدا
وقالي انت بتهزر صح قولتله وهي دي فيها هزار
قالي طب اي اللي يثبت قولتله في روايه اسمها
مارد وشوشني بكتبها وهتفهم منها كل حاجه
قالي اما نشوف ي عم نجيب محفوظ هههه.
واحنا بنتمشي شوفت عاصفه هاجت والتراب
بيتحرك ويعلي بشكل دائري انا اتسمرت مكاني
وصاحبي ماشي عادي لحد م لقيت مارد ظهرلي
قالي انت كويس قولتله انا فل وصاحبي يقولي
انت بتكلم مين قولتله هتفهم كل حاجه بس
سيبني الوقتي وكملت حواراي مع مارد قالي لما
انت فل عاوز ترجع البلد لي الا اذا كنت مش عاوز
تشوفني قولتله لا راجع تاني بس عندي شويه
اشغال كدا هخلصهم وهنا صاحبي سابني وجري
ع البيت وافتكرني اتجنتت او بمعني اصح ربط

الاحداث وصدق اني كنت عايش مع خدام ابليس
ف مكان واحد روحته البيت مالك ي ابني في اي
قالي ابعده عني و متكلمنيش ولو مبطلتش
مخدرات انا مش هعرفك تاني !!!
قولته هو نا بخدر يسطاا ؟

قالي انا ايش ضمني م جايز بتشرب من ورايا
رديت عليه قولته تمام ومشيت وروحت
المستشفى تاني الساعة ١٠ علشان الحق اكون فيها
قبل م تتسكن تاني وخصوصا ان بكره الجمعه ف
محدث هيهتم باللي موجود وكلو م هيصدق
يمشي وانا بالامانه فضلت الليله دي خايف وجات
الساعة ١٢ وانا واثق ان مفيش جن ولا اذي
هيحصل النهارده وفجأه لقيت مارد ظهر ع السرير
اللي قدامي ضحكت وقولته اهلا ضحك وقالي
كنت عارف انك هتيجي قولته هو مش المفروض
ان النهارده الجمعه وبتاع قالي انا قولتك ف
الحلم قبل كذا ان انا جن طيب قولته اه حصل
قالي معني الطيب بالمسلم انا مسالم لامر اللي
خلقني وخلقك ابليس هو اللي عدو ليا وليك

وقضيت ليله كامله مع مارد بدون اي مقاطعات
وكأنه متسخرلي بس اللي صدمني ف الاخر ان لما
دخلت الحمام لقيتني ميت ع السرير لما اتسمرت
تاني مكاني قالي متخافش انا مارد وضحك
قولتله واي اللي حصل دا قالي دا مقلب بس اعلي
من مستواك شويه ك بشر حقيقي مارد كان
اوقالي من البشر ولما سألته اي هدف الحلم ان انا
اكون موجود ف صحرا وتجي تسقيني قالي انك
تايه وانا ناجيك اللي رزقك بيه ربك ونمت اليوم
دا مستريح بعد م فهمت منه كل حاجه..

اليوم الخامس

نزلت من المستشفى صليت الجمعة ورنيت ع
صاحبني

- انت فين

= ف البيت

- طب م تيجي

= اجي فين

- المتسشفي يسطا

= انت ف المستشفى بتعمل اي

- قاعد بحضر عفاريت هههه

= يعم متهزرش معايا انت عارف ان انا بخاف م

الحاجات دي

- خلاص خلاص متزعلش هههه

= ماشي انت فين

- منا لسه قايلك

= طب م تيجي يسطا

- لا نا عاجبني فيلم الرعب اللي هنا هاتلي بس

انت سجاره حشيش وتعالني وانا هخليك عالمي

= شوفت قولتك بتشرب اهو

- يعم دي ليك انت ههه

= لا يسطاا بناقص

- طب انزل ع الكفاتريا وانا هركب واجيلك

= ماشي

وناديت ع مارد باعلي صوت اكر من ١٠ مرات
لحد م فقدت الامل وانا نازل لقيته قدامي بيقولي

لبيك يا صاحبي قولتله انا ماشي قالي هتيجي

تاني قولتله انت عارف مكاني اكر مني ف لو

عوزتني هتعرف توصلني دانت بتطلعلي ف الحلم

دي بقت غمه ههههه نزلت الكفاتريا وقعدنا انا

وصاحبي واتكلمنا ف موضوع سفره

- انا رايح الكويت كمان ٥ ايام ومحتاج حد يكون

معايا ف المطار

= يباا روح والقلب داعيلك وان كان ع المطار

العربيه والسواق عليا

- ي جدع روح انت لاقني تاكل

= طب قرب كدا تعالي

- ايه

= مارد قالي محدش هيشوف العربيه غيري ف

انت هتركب الهوا معايا ههههه

-امان ولا هنموت

= اضمنه برقبتي

- ربنا يستر بيقولها وكأنه ندمان قولتله متقلقش

انت معايا وطمنته ان اللي هيرسي عليه هيرسي

عليا

قالي احنا مش داخلين خناقه احنا طالعين سفر ٦

ساعات بعرييه مع جن

قولتله الجن دا بقا اقرب صاحب ليا قالي انت

بتقول اي اقرب صاحب ليك الزاي قولتله قرب

تاني لما قرب مارد هنا ظهر وقال متكشف عني

حاجه قولتله حاضر صاحبي قالي حاضر اي

وضحك قولتله مش انت ي جدع انا بكلم اللي

وراك ونسيت خالص انه بيخاف قام اتنرفز عليا

وقالي ي عم انت مجنون متجننيش معاك تمام

يسطاا هتفضل تتهمني بالجنون لحد م اثبتك

وهتبتك حالا

-مارد

*لبيك صاحبي

-حضرتي عربيه دلوقتي عشان اثبتله

*اوامرڪ يا صاحبي خد

واداني مفتاح من نار قولتله بس دا هيحرقني

قالي العربيه براه بتولع اهي قولتله منا كدا

هتحرق قالي لا متخافش خدته منه وركب عربيه

سودا بتولع وفضلت ۱۰ دقائق اقنع اللي معايا ان

انت اول م تركب هتختفي زي ومحدث

هيشوفنا وركبنا العربيه وبالفعل زي م توقعت ان

احنا هنختفي وكانت العربيه بسرعه تتخطي ال

۱۰۰۰ كيلو متر ف الثانيه وكانت بتعدي ف

العربيات والحيطان انا شخصيا كنت مزهول من

اللي بيحصل بعد م كنت ماشي براحتي وخايف

اخبط بقيت طاير ومش هايب حد ... صاحبي

قالي انا اترعبت اكثر قولتله من اي وهنا فتح

دماغي لفكره ان ممكن يكون في حجات كتير غير

مرئيه بالنسبه للعين المجرده وانها لازم علشان

نشوفها نكون ف عدسات تحت الاشعه البنفسجيه

وبعد م اثبتله اني حقيقي واني تمام وصدق قالي

كانت رحله جميله وياريت متكررش ثاني هههه
قولتله ماشي ي صاحبي وروحته وناديت ع مارد
ظهر قولتله خد عربيتك وروحت نمت...

اليوم السادس

صحيت من النوم بدري ع الساعة ٦ كدا قومت
مسكت الموبايل وقاعد بلعب جيم عادي وفجأه
تجيني مكالمه تفصلني من المود رديت ...
الو . الو . الو . الو مفيش صوت
المكالمه فصلت لما رنيت ثاني الكنترول رد عليا
وقالي هذا الرقم غير موجود بالخدمه قوتلت جايز
الشركه ورنوا بالغلط او الشبكه عندهم وحشه
وطمنت نفسي بضحكه خفيفه .. الساعة ٦ ونص
ومحمود لسه مصحاش وانا مش ف بيتي علشان
اتحرك فيه بمزاجي المهم فصلت ارن ع فونه
علشان يصحي بطريقه كريته كدا المهم كنسل
عليا وقام جالي بيقولي انت بترن عليا لي عاوز
توريني النجوم الساعة سته الصبح قولتله لا دي
سته ونص ع فكره اقعد بس واي حكاية النجوم
دي قالي ي عم انا حلمت بالعرييه اللي ركبناها
ولحد الوقتي مش مصدق قولتله احكي لي طيب
قالي كل اللي حصل امبارح بالتفصيل الممل جالي

ف الحلم وشوفت مارد ع فكره قولتله شوفته
الزاي قالي مواصفات مارد بالظبط عجوز لابس
جلابيه رصاصي ولافف شال علي دماغه ووشه
مكرمش وشوفت العربيه قولتله طب اوصفها
قالي هي شبه التوكتوك ولونها اسود وبتولع انت
ركبتي عربيه بتولع ي احمد قولتله اعمل حسابك
بقا دي اللي هتسافر فيها يوم الاثنين هههه .. قالي
لو هموت مش راكبها تاني قولتله اجيبك نسوان
؟ قالي م انت هتجيبهم بيولعوا برضوا قولتله لا
متخافش هيجوا ف هيئه بشر زي مارد كدا انت
شوفت مارد الحقيقي ي محمود قالي الزاي
واتنفض كدا وقولتله كمان التوكتوك اللي بتقول
عليه دا هو العربيه وسرعتها ١١٠٠ تقريبا كيلو ف
الثانيه انا كنت سايق ع ١٠٠٠ بس شوف نجتك من
اي قالي هي يعني جات ع الميه هتفطر ؟ اه انزل
بقا عشان مكسل هات ربع رومي ولا اقولك هات
ساندوتشات جاهزه انا عاوز كريسبي وانت شوف
هتاكل اي قالي هاكل اي يعني كريسبي انا كمان
قولتله اشطا وانا قاعد اهو وانا قاعد حسيت ب

ملل هو راح واتاخر لان المحل كان قافل واستني
لان المشوار طويل وصعب يرجع فانا ندهت علي
مارد لجل انو يسليني شويه

- ماارد

* لبيك صاحبي

-انت ظهرت لمحمود ف الحلم صح

* هو مكانش مصدقك يا صاحبي فانا وريته فيلم

امبارح

- طب م تفرجني ي مارد

* لبيك صاحبي

- الا اي صاحبي صاحبي اللي ماسكها دي

* مش عاجباك صاحبي

-لا مش عجباني ي سيدي

*سيدي طب اي رائيك اقولك سيدي

- ي عم انت مش شايف نفسك اد اي انت عندك ٨٠

سنه بمنظرك دا

* لاء سيدي انا عمري ١٦ قرن بس

- الف وستميه انت بتتكلم بجد

* مفيش جن بيكدب سيدي البشر بس بيكدب

- انا ملاحظ ان لهجتك غريبه شويه

* ايوه سيدي انا صومالي

- واي اللي جابك مصر

* اقولك اي فرق عمله سيدي هنا اشتغل اكثر اخذ

نقدي اكثر اروح صومال اعيش ملك

- فرق عمله اي ي مارد انت جن يعني المفروض

اطلب منك فلوس تفرقني

* بهزر معاك سيدي بس انا مش جن مال انا جن

صاحبك

- يعني يوم م تهب منك تيجي للمنحوس وتزامله

وريني الفيلم وريني معاك حشيش

* لا سيدي انت مش بتشرب وانا مش هأذيك

- اديني الجوان وغطيني ي مارد

* اي دا معني اي سيدي

- دي لهجه ابداعها البشر

* تومام سيدي اعرض

- اعرض ي مارد

* لبيك سيدي

وعرضلي الحلم بتاع محمود والمشاهد اللي دارت

كلها علي كفه ولحد م كنت هركب العربيه اختفي
مارد ودخل محمود
_ اي يباا انت جيت
= اه ي عم دا مشوار معفن
- في اي بس احكي مفيش ي عم روح المشوار
وجيت ع الفاضي
= هو قافل ولا اي
- اه

= طب هات الفلوس كدا
- هتعمل اي

= مفيش ي عم هجيبك اللي انت عاوزه انت مش
عاوز كريسبي
- اه

= هات وانا اجيبك
- بتاع اهل الشام

= بتاع اهل الشام ي عم خلاص هات بس
- مارد

* لبيك سيدي

= بص يابو الصحاب انت هتروح تجيب اتنين

كريسبي من تحت الارض.. بص اتصرف عشان

جعان

* تأمرني سيدي

= تاخذ فلوس

* كتر خيرك سيدي

اختفي مارد ورجع بعدها ب دقيقه تقريبا

* لبيك سيدي

= بتليني علي اي فين الكريسبي

* كل المحلات قافله سيدي بس جبتك فول

وفلافل سيدي

= فول وفلافل .. انت ملتك اي يجده انس ولا

جن ولا حكايتك اي

* مش تزعلي سيدي انا حبيتك وجمبك عشان

حبيتك انما مش تيجي ع كرامتي سيدي مش

هقبل ابدأ

= خلاص ي نغه مش تزعل هههه .. تيجي معاك

فول وطعميه ولا اي

- هو نا مش مستغرب ان الفول والطعميه حضروا

انا مستغرب انه جن ومعرفش يجيب كريسبي

هههه افطر فطر

= تاكل معانا

* لا سيدي انا بس عطشان

= عندك المايه ف التلاجه

* لا سيدي انا جبت لتر بنزين اشرب منه

= لتر بنزين انت ماتور ولا اي

* لا سيدي لو شربت مايه انحرق

= اها طيب

وبعدھا فطرنا ونزلت ادور ع شغل اصرف منه

لحد يوم الاتنين علشان اوصل محمود المطار

وملقيتش وكنا وقتها الساعه ٨ العشا كدا

اليوم السابع

- = آآآه صباح الخيري حودا
- اي دا احمد احنا راحت علينا نومه ولا اي وامته
معاد الطياره
= ههه طياره اي بي الطياره هتكون يوم الاثنين
واحنا لسه يوم السبت صباح الاشطاا
- اهاا طب صباح الفل بقا هنعمل اي النهارده
= والله مش عارف
- طب نا عندي فكره حلوه
= اي هيا
- مش انت طلبت مني فلوس امبارح وقولتلك اني
هبعتك كل الفلوس اللي انت محتاجها
= ثواني ... امبارح لما كنا مروحين ؟
- كويس انك فاكر
= م فاكر بس افكرت
- تمام ! هحكيك حكاية اتنين دار بيهم الزامان
= احكي بي حبيب اخوك ♡
- بص بي ابو حميد .. اتنين صحاب اولاد ناس

مبيصوش للحرام ولا ليهم علاقه بيه نهائي ...
في يوم من الايام صحو الاتنين فجأه من النوم
كانوا مخلوطين ب شيطان وكان كل فكره كانت
اقوي من اللي قبلها بس كانوا بيهابوا الحرام
هسميهم علشان دول ابطال اليوم دا حسن وعلاء
تعالى نتعرف علي حسن شخص جدع وشهم
ودكر وعزته صلباه مكانش بيشر ب اي كيف ولا
حتي قهوه ولما واجه اتهامات انه بيدخن مكذبش
خبر ودخن عند ف كل الناس اللي حواليه ومقنع
جدا انه حر زيك كدا وعلاء يشبه بالضبط تالتنا
مصطفى خنقات وشرب وسهر ودنيا تانيه خالص
وكانو يشبهو العفاريت ف زمانهم كانوا حسن
وعلاء توأم ف كل حاجه شمال وكان دايمًا حسن
يقول ل علاء انت خليفتي وتربيتي انت ابني
وصاحبي لانه كان اصغر منه سنًا....

= تمام كمل

- جايلك ف الكلام .. الزاي بقا كانوا شبه بعض

هفهمك...!

حسن وعلاء كانه بدماغ شيطان يعملوا الجريمه

تكون كامله ومش سايبين حتي بصمه وراهم غير
الوجو بتاعهم شعار عباره عن نجمه وفي نصفها
علامة انتحار وعلي النجمه قرون شيطان
ومكتوب عليها ابليس والجن اخواناً زي م ذكرنا
انهم كانوا بيخطفوا زي الشياطين تعاملهم السري
مع بعض وكل شؤونهم وخطط متبدله للخطط
بتاعتهم وحفاظهم علي سريتهم ونجاح خطتهم
بدون شك واحد ف الميه سرقوا فلوس كتير من
دايرة صغيره معارف واتكررت العمليات علي
الدايره دي اكثر من مره وبعدين كبرو ولاقوا ان
الدايره معدتش حمل خبطات وعملوا اخر
عمليتين وهدوا حبه وقام حسن مكلم حبيته ف
مكالمه هاتفيه وقالها انه عاوز يشوفها وبالفعل
حدد معاد واتقابل بيها ف سريه واتكلم معاها ف
انهم يعملو عمليه سوي ومن هنا بدأت العصابه
تتبنى اول ماتكلم حسن مع حبيته ف موضوع
خطير جدا وان هم يمثلوا انها اتخطفت وحسن
بعيد عن الحكايه وبدا يشوف مكان بعيد عن
الناس وياخذها معاها وكان وقت الاتفاق كان

علاء بيكلم ناس علشان تتدخل معانا ف العمليه دي وبالفعل بعد تحايل وتأمين للناس دي تمت العمليه بنجاح وتم اختطاف حبيبتة من قدام بيتها بعرييه متفيمه بدون نمر وساب اللوجو بتاعهم فيه ويكلم علاء ياخد الموبايل بتاعها ويمشي علشان المراقبات بتاعت الشريحه والتتبع اللي ف الموبايل كله عن طريق السريال نمبر وزي م توقع اول م اتعمل البلاغ تطلبوا كرتونة الموبايل وكشفو عن السريال نمبر بس كان حسن وعلاء اذكي من كدا بكتير وكانوا سابقين الشرطه بخطوه وطلبو الفيديه بخط مش متسجل وكان في عمليات كتير بتكشف عن تتبع الخط دا ومعرفوش لانه كانت تحركاته اسرع من تتبعه وحددو يوم يتم تسليم فيه الفلوس او المبلغ المطلوب واللي هو ٥٠.٠٠٠ جنية مصري واللي سهل يكونوا متواجدين واتقسموا علي حسن وعلاء وفؤاد الاطرش اسمه كدا حسن خد ٢٥.٠٠٠ وعلاء خد ١٥.٠٠٠ وفؤاد خد ١٠.٠٠٠ جنية علشان يظمن ل عماليه تانيه معاهم وخصوصا انه لسه جديد ف

اللعبه دي وبعد م اظمن الاطرش ليهم عملوا كام
قاعدة مخدرات احتفالا مرتين والثالثه كانت
تخطيط لشغل جديد بينهم الثلاثه ..!
الاطرش كان معلم حداد وكان بيعرف يصنع سلاح
كويس جدا وعنده الورشه فيها حوالي عن ٢٠٠
عامل وبكده يكون معانا جيش ضد اي حد
ومعدش في خوف والعماليه اللي بعد كدا كانت
خطف شاب كمان ف نفس المكان وان هم هتبقا
الخطه كالاتي : حسن هروح يلزق اللوجو علي
حيطة بيته وعلاء يكون بيأمن علي الضحيه
علشان اول م يخرج ع الطريق يكلم الاطرش
والرجاله يجيبوا المخدر والسلاح والميكروباص
اللي هياخدوه فيه ودا بالظبط اللي حصل علاء
شمم منديل المخدر للضحيه ف اغم عليه وخدوه
ف العربيه واختفوا لمكان السكن بتاعهم والمكان
اللي هيبات فيه الضحيه لحين حضور الفيديه
وبعدها بكام يوم ي سيدي كلموا ابو الشب دا
ونفذو نفسك الخطه وان الفون يكون مع شخص
والعمليه تتنفذ مع شخص ثاني والمرادي طلبوا

٢٠٠.٠٠٠ جنيه

= انت تقصد ان انا اشتغل حرامي !!!

= انت بتخرف ؟

- افهم بس

= افهم اي ي عم

- هو نت عندك صاحب علشان تعملوا كدا ؟؟

= انت هتسافر كمان يومين

- بالظبط يبقا تهدي وتشوف الخطه صح

= ازاي بقا

- بص ي نجم انت دلوقتي هتنادي علي اقرب حد

ليك اللي جبت هولنا من مستشفى المجانيين بسببك

= وبعد كدا

- هو دا اللي هيساعدك بدون م تبذل مجهود

وهيديك امكانيه الاختفاء بالعريه ع الاقل تبقي

تستخبي فيها لو حد جري وراك

= انت تقصد ان انا هطلب بس !

- بالظبط انت اللي حمار

= انت هتهزر معايا <وضربه بالبوكس ف كتفه>

- ي عم خلاص متبقاش قفوش كدا

= خالصانه .. تفطر اي

- امبارح كريسبي والنهارده كبدہ ي اخي ارحم

امي خلاص ي عم اللي تجيبه

= ماشي مارد انت ي عم

* لبيك سيدي

= عاوزين نفطر وتجيب اللي اقولك عليه

متغيرش

* حاضر سيدي

= اسمع بقا

* اوامرني سيدي

= عاوزين نفطر طاجن كبدہ هات اتنين وعيش

* حاضر سيدي

= وتيجي بسرعه

* حاضر سيدي

= يلا روح

- انت طلبت كبدہ لي

= يا ابا انا عندي اعز منك

-حبيبي

* جيت سيدي

= يخرب عقلك لحقت . وريني جبت اي

* اتنين طاجن كبده وعيش سيدي

= جدع ي مارد

- افطري احمد يلا

= اشطا

* انا هكمل نوم سيدي

= ابقا فكري اني عاوزك

* تؤمرني سيدي

- عايزه ..! اوعي يكون اللي ف دماغي صح

= بالضبط طب يلا عشان وارنا يوم طويل

- لا انا هريح شويه انت صاحي فايق

= ماشي انا هعمل قهوه واتكلم مع مارد شويه

-م تخلي مارد يعملهاك

= انا بستمتع بتحضيرها

- عيش

_____ بعدها بربع ساعه _____

= مارد

* ايوه سيدي

= قولت انك مش هتعرف تديلي فلوس

* حصل سيدي

= طب هينفع تساعدني اجيب فلوس

* اكيد سيدي

= يبقا تسمع كل كلمه وتنفذها معايا

* معاك سيدي

= احنا هنشوف حد تجيبلي كل معلوماته واسراره

قوت اي

* معاك سيدي

وبدأو يدورو علي اشخاص وبقا احمد (هحكي

قصة الملياردير) ملياردير وعنده شركات كتيره

وكبيره من خطط العفاريت ابليس والجن (حسن

_ ابليس - علاء _ الجن)

= مارد 3x

*ايوه سيدي

= بقالي ساعه بنادي اي نايم ع ودانك

* معاك سيدي

= في شخص عاوز اعرف كل حاجه عن امه

* اسمه اي ي سيدي

= ايمن ابو راشد

* اسم امه ساميه ماتت وهي عندها ٧٥ سنه
وكانت ساكنه ف عين شمس واتولدت ف سنة
١٩٤٦ واتوفت السنه اللي فاتت (احمد قاطعه)
= انت بتقول اي ي مارد انا مالي ب امه
* مش انت قولت عاوز اعرف كل حاجه عن امه
سيدي

= حلو عاوز اعرف عنه بقا
* ابقا فسر سيدي
= ماشي ي ماد اسف (بنرفزه)
* ايمن ابو راشد السن ٥٤ سنه عايش ف اكتوبر
عنده شركة استيراد عربيات مرسيديس بنز
الشاحنات الثقيله وعنده فيلا ف مصر الجديده
وعنده مدرسه علي طريق
الصحراوي واملاك كثير
= حلو تعرف بقا تجمعلي ثروته
* ملياردير ي سيدي بس حريص اووي
= عارف دي ، نوصل بقا لأملاكه دي الزاي
* الموضوع بسيط سيدي
= احكي

* تمام ، هو كاتب المدرسه ب اسم بنته وبقيت
الاملاك ب أسم ابنه وبقيت فلوسه حاطيتهم ف
ممتلكات مراته والمكاسب بيدخل بيها اسهم
تداول وبورصه ب اسمه

= يعني احنا دلوقتي عاوزين نجيب عقد بيع
وشراءمنه عن الاسهم ومن مراته عن الممتلكات
وابنه وبنته عن ممتلكاتهم صح

* صح سيدي

= اعلمي خطه انفذ بيها الكلام دا عشان اجيب
العقود

* مش محتاج خطه سيدي

= الزاي

* خد سيدي (العقود)

= يابن الجنيه

* تأمرني سيدي

= دانت اللي سيدي انت عارف ان انا دلوقتي
بقيت اغني واحد ف مصر بس لسه فاضل علي
الحلو تكه

* اي هيا سيدي

= عاوزين ايمن ابو راشد يسيب لنا الممتلكات من
غير مناحيه

* اقتله سيدي

= غبي ... لو قتلته الورثه هتطلع تطعن ف العقود

* واي المشكله سيدي انت عقودك سليمه ١٠٠%

= يعني دا مش تزوير

* لا سيدي

= تمام

* اقتله

= لا برضو ، في طريقه تخليه يفضي الاماكن
وممتلكاته

ويديلي كمان المفتاح

* في سيدي

= طب قول

* هتعمل محضر ف القسم وتقول قدام الشرطي

انك ادبتله شهر مهله يفضي المكان ولسه قاعد

بقاله شهرين والطبيعي ان الظابط هيبتله

وهيجي عليكم القسم وبعدها هيبدأ يطعن ف

العقود بس مفيش اثبات انه موقعش علي العقود

وبالتالي تم اثبات صحة كلامك وانا هكون
المحامي بتاعك

= انت تعرف ف القانون بتاعنا

* توكل سيدي

= توكلنا ي مارد اما نشوف ، هنتحرك امته

* بكره الساعة ٩ الصبح سيدي

= تمام

وراح احمد يصحي محمود علشان يفهمه اللي

حصل و يكون معاه بكراف القسم

= محمود .. حودا .. انت يابا .. الووو

- اي اي في اي

= مفيش غير كل خير

-حصل اي

= بص ي عم

-امم

= شايف دول (العقود)

- اي دول

= دول اثبات اني بقيت اغني واحد ف مصر

- يااه انت مصحيني عشان تهزري احمد

= اهزر اي فوق بس وركز دي عقود بيع و شراء
بيني انا و ايمن ابو راشد

- ايمن ابو راشد مين

= اي دا انت متعرفوش

- حاسس سمعت الاسم دا قبل كدا

= لا ا تاكد لانك هتقابله بكره

- ا قابله فين انا مش فاهم حاجه

= هفهمك ، انا طلبت من مارد جمع معلومات عن

الشخص دا وجابلي بينات و طلبت منه خطه

اجيب بيها عقود بيع و شراء و مكذبش خبر لقيته

جايبلي العقود و متوقعه و مختومه ب الختم

الشخصي بتاعه كمان ف قولتله الزاي امسك

المتلكات دي كلها ف ايدي دلوقتي قالي ع خطه

- وياتري اي هيا الخطه دي بقا

= هنروح بكره المركز نعمل محضر ان احنا اديناله

فرصه شهر فضل شهرين ف المكان و عدي الوقت

اللي متحدد ف العقود و بالتالي ايمن ابو راشد

هيفضيلي المكان

- و تفتكر شخصيه بالحجم دا هيسكت اكيد له

علاقاته ومعارفه ومش هيحك
= حتي لو معاه البشريه كلها انا معايا مارد
* نعم سيدي

= ي عم اتنيل انت بتيجي ع السيره
- اه والله عندك حق ههههه

= طب هنعمل اي يبا
-هتروح القسم امته

= بكره الساعه ٩ كدا

- حلو اوي ، اكمل نوم بقا وابقى صحيني عليها
= اي دا انت هتنام

- اها مرهق اووي

= طب اي رائيك ننزل نعمل شوبينج ع السريع
كدا ونجيب الحجات اللي نقصاك قبل م تسافر

- بكره لما نيجي راجعين من القسم

= بدماغك بقا

- انت هتعمل اي دلوقتي

= لا انا هريح شويه

- احمد. يسطااا .. ي بيه
- = اي ي عم سبني نايم شويه
- لاء مفيش نوم كفايه كدا
- = طب قولي في اي
- عادي عاوز نخرج شويه وهات مارد
- = عاوزه لي
- عادي يمشي معانا
- = مارد
- * نعم سيدي
- محمود عاوز يخرج اي رائيك
- * الرائي رائيك سيدي
- = ع البركه
- يلا قوم فوق بقا
- = مارد
- * تأمرني سيدي
- = لبسني وشيكني
- * عنيا ليك سيدي
- = لا عاوز حاجه تليق بالملياردير

* خد سيدي

= يلا ي حودا

- يلا يباا

* وانا سيدي

= اكيد انت راشق

- جهزلنا عربيه ي مارد

* اعتبرها جاهزه

= شكلك داخل ع طمع

- لاء عاوز اشبع من البلد بس قبل م اسافر

= مارد ، سوق ع سرعه ٥٠ متجريش

* عنيا ليك سيدي

- طب يلا ؟

= يلا

- البلد هتوحشني اوي يا جدع

= انت لسه مصمم تسافر برضو

- اكل العيش مُر يا خالتي

= اكل عيش اي مهني الدنيا راقته اهي

- راقته معا اللي معاه مارد

= وانا وانت ايه مش واحد

- اكد طبعاً واحد يا صاحبي

= احنا بقيت أصحاب أملاك وشركات

- والعمل دلوقتي

= العمل انك هتدور معايا المصلحه ومطرح ما

هترسي هندقلها وزى م اتعودنا ع الحلوه والمُره

مع بعض

- انت شايف كدا

= مارد

* لبيك سيدي

= هاتلي تذكرة الطياره بتاعته هههههه

* خد سيدي

- هتعمل اي ي مجنون

احمد قطع التذكرة ورمها من العرييه ضاحكاً

قائلاً : انسي بقا هههههه

محمود خبط ايده علي وشه قائلاً : يخرب عقلك

.. طب انا عاوز افجر بقا

= تفجر الزاي يعني

- خليك شواف بقا معانا فلوس ومعانا مارد

= فهتمك خلاص انت عاوز مُحرمات هههه

- يعني لازم تشيلنا ذنوب م احنا نفجر و خلاص

= مارد

* لبيك سيدي

= ودينا البيت تاني كفايا لف لحد كدا هنريح

- اي هنريح دي انا لازم اخربها عوضلي السفرية

= فعلا والله لو صبر القاتل ع المقتول كان مات

لو حده

- بمعني ؟

= هنريح ساعه وهنخربها ي زميلي

- هو دا ابو حميد اللي انا اعرفه

= بس بشرط !

- اشترط

= منأذيش حد لو عاوز تأذي نفسك هأذي نفسي

معاك ... بمعني هنشرب ونسكر ونعمل كل اللي

نفسنا فيه

- طب منتا اكيد عارف اني هجيب نسوان

= لا مهو اكيد في أطفال بتقراء وناس اقل من ١٨

ف هقولك وهقولهم [ولا تقربوا الزنا]

- يعني هتجيب نسوان

= اقسام باللي خلقني انا اول مره اتأكد انك غبي
كنت دايمًا بشك بس حاليا اتأكدت
- مهو نا مش فاهم

* وصلنا سيدي

= انزل انزل جاتك نيلاه

- ماشي شكلها كدا السفرية راحت ع الفاضي

= لا سيدي ع رائي مارد

- او مال

= بص علشان مشيلش ذنبك عاوز تولع ف جهنم

انت حر ... مارد

* معاك سيدي

= لبي لمحمود طلباته لمدة ساعه وهاتلي غدا يلا

* لبيك سيدي تأكل اي

= اقترحوا عليا بدل م انتوا بتتفرجوا عليا كدا

- انا بقول نمشيها بيتزا سجع

= انت الفلوس هبلتك هات فول وطعميه يا مارد

وعيش سخن

* لبيك سيدي

- طعميه وفول

- لا مبدخنش

* بس احمد قالي البيك كل طلباتك ف خلال نص

ساعه وهي خلصت

- احمااa

= اي يبني سرعتني

- قول لمارد يعمل اللي بقوله عليه

= منا قايله

- النص ساعه خلصت ي خفه

= حلو دا ههه نام بقا

- متهزرش

= مارد

* لبيك سيدي

= نصايه كمان وزى م قولتك

* لبيك سيدي

- يلا يابو ضمير صاحي اعمل اللي قولتك عليه

* Take vodka 40% , xxx20% and sakara

15%

- اي دا

* خمرة

- فين النسوان

* مريحين سيدي

- اهاا انتوا بتلعوا بيا

* مين بيلعب بيك سيدي

- انت وأحمد

* هنام انا بقا عندي محكمه الصبح مع سيدي

سلام صاحبي

- طب انا هسكر لي مادام مفيش نسوان .. مارد

* لبيك صاحبي

- هاتلي بيتزا لو سمحت

* لبيك صاحبي

- اها يا شمندوره توبي توبي

* البيتزا

- اي السرعه دي

* المطعم فاضي صاحبي

- ع الطلاق حاسك هتطلع انس متنكر ف جن ف

الاخر جايها ساده لي

* انت محددتش صاحبي

- مش مشكله روح نام

* تأمرني سيدي

اليوم الثامن انتظروا الجزء الثاني...